

四川鹽法志

四川鹽法志卷十五

轉運十

水利

蜀自李冰鑿離峯穿渠溉田民饗其利史常稱之夫
水天下之利害鹽又民食之急者也四川鹽行本省
多陸引行滇黔及楚多水引長江爲塹疆域畫然水
引鹽艘率自井廠出小河隕大江溯鄰水以達於岸
滇黔楚配鹽以鍵富榮爲最鹽運分內江外江外江
起嘉定訖夔州內江起榮縣訖瀘州其間湍石悍激
十里九灘輕生冒利商賈寒心是以乾隆五年雲南
總督慶福奏請開鑿通川河道自雲南東川府由小

江口入金沙江湖流至新開灘徑達瀘州費帑金數十萬九年雲南總督張允隨又以大關境內鹽井渡通川河道與金沙江表裏疏請開修閱三載而工竣亦費不貲初皆爲銅運計而鹽運實受其利焉其爲鹽運計者十年貴州總督張廣泗奏開畢節赤虺河道川鹽由合江入可直達仁懷猿猴陸行大定鹽可省二百餘里行貴陽平越都勻鹽可省四百餘里行安順興義鹽可省約四百里凡疏水道五百餘里鑄廣六十八灘費帑金四萬七千有奇鹽運至岸輒運銅鉛以往而運銅鉛羸馬卽運鹽回於時仁岸爲請增引行鹽獨多公私便利費用約省然岸善崩數載

復壅十四年貴州巡撫愛必達檄大定知府四十七履勘作赤虺河道記以上議仍疏濬請定歲修法會有梗議者事格不行於是良規卒廢鹽仍陸運矣

慶福奏陳金沙江六事略一金沙江綿亘千三百餘里大小灘八十五下游可通船施工較易應先就上游開修一上游自金沙江溯流至小江口六百餘里兩山夾而成湍毋庸大修其應開鑿者亦分上險次險卽石大水湧重任爲難亦可用江浙般壩之法般運一安吉熱風紅崖者那等處有小溜筒灘開鑿水漕上下可通其餘各灘鑿過二三四分者逐段接修一站船載鹽米而上試運石塊

而下俱平穩應排定站船半年上下二次運鹽米及銅較陸路腳費有無節省核定報部一工匠飯食鹽米顧船運等項造冊核報一工程責在滇省約束夷寨責在川省臣銜

命赴粵恐屬員意圖諉卸請令署督臣張允隨嚴查軍機大臣議行 張廣泗奏略黔省威甯大定等府州縣不通舟楫所產銅鉛陸運維艱合之滇省運京銅每年千餘萬觔皆取道威甯畢節馱馬短少趙運不前查大定府畢節縣屬赤虺河下接遵義府仁懷縣屬猿猴地方若開鑿通舟順流直達四川重慶水程五百餘里計應開修大小六十八灘

需銀四萬七千餘兩此河開通每年可省腳價銀一萬三四千兩以三年之節省即可抵補開河工費再黔省食鹽例銷川引若開修赤虺河鹽船亦可通行鹽價立見平減大定威甯等處卽偶遇豐

歉不齊川米可以運濟實爲黔省無窮之利工部

議如所請

乾隆十年

四十七赤虺河道記赤虺河發

源雲南鎮雄州自萬山中一線溪流由畢節經行黔西仁懷以達川江中自天鼓巖至雞心灘共六十八灘巨石巉巖兩岸壁立灘高浪激勢險路紆乾隆十年總督張公因滇黔銅鉛每歲由陸路轉輸運艱費鉅又黔不產鹽率從川負運至猿猴轉

販議將河道開通俱由水運上既節省

國帑下亦利濟民生具疏入告經部議准隨即勘估具題動款三萬八千六百四十二兩零天鼓巖至新灘二十七灘委大定府知府王允浩分辦鹽井灘至雞心灘四十一灘委遵義府知府陳玉壘分辦於乾隆十年十月初一日興工至十一年閏二月初一日工竣張公親行履勘題報既蜈蚣崖灘復壅塞乾隆十四年十月撫部院愛公委子率同畢節縣凌均往勘自天鼓巖至白沙河六十餘里有張會新亮長灘老虎等灘水高石大吊放艱難畢節至老虎灘無陸路可通須以白沙河爲口岸

貨皆於此上船自白沙河至魚塘河河身稍窄紅崖梁豬棧門廟兒雄等灘亂石堆積水勢陡險船戶輪流弔放一日行二三十里自魚塘河至新龍灘三百餘里河寬水平行舟無礙新龍雖名一灘實則連接六灘每灘相去一二丈下又緊連上長中長下長三灘九灘相接中無停橈之所每多失事下又有殷鬍子沱大白汾小白汾文公下灘上灘螺蛳等灘黔岸形如刀削蜀岸文公廟一所溶口窄狹螺蛳灘亦甚危險厯臺盤子虎跳石滋灣洞黃連大洪至二郎灘抵猿猴雞心灘一百六十里河寬水平舟行無虞總之極險處須盤運次險

及不險仍舟載自乾隆十一年至十四年三月運鉛三百四十七萬觔每百觔節省銀二錢一釐四毫計省銀六千九百八十八兩零鹽價亦漸平詳請增引者多河中客船名曰楸船約一百餘艘每艘可載鉛一千餘觔自魚塘順水至新龍灘水腳銀四兩二錢二分自二郎灘順水至猿猴每千觔水腳銀四錢若載鹽每艘可載九千六百觔自猿猴上至新龍灘每包腳銀二錢新龍灘上至茅台邨每包腳銀三錢五分揆此日情形於

國於民均有成效但民耕種山上人牛墾挖石卽滾下有灘之處旁有溪溝山水陡發沖激沙石填積

灘路難保開者不復壅通者不仍塞也是必定爲
歲修之法每年水涸之時飭該地方查有淤塞之
處詳細勘估於節省項下動支顧夫檢修工完報
銷立定章程庶前功不致廢棄而利賴及萬世矣
其後百三十餘載今光緒三年四川總督丁寶楨檄
建昌道唐炯改行邊岸官運法爲先設船行招各商
船編號取保船有票鹽勛鹽岸船保姓名悉具以備
察驗又小河水淺狹大江鹽船不能溯入以達井廠
輒用小船運出易載富順廠鹽則出鄧井關犍爲廠
鹽則出大河壩當時滇黔楚鹽多配此二廠也易載
時先由委員驗船之堅朽又檄委員押運或有沈溺

則由總局以護本銀買補當夏秋之交水漲湍怒覆沒者往往而有因有恃官不責償輒陰壞其朽船假沈溺爲盜竊者矣

丁寶楨奏定官運章程一實給船價查商號運鹽均交船戶並許帶私藉減船價其船隻又係商號借本製造船戶亦意圖夾帶甘心忍受每載竟有夾帶數千觔萬餘觔者沿江售賣遂致私販日熾應將船價照民間河規平市實發並明定章程設立船行招集船戶編列字號連環取保刊刻大票每船載鹽若干張計若干觔價值數目船保姓名由駐廠分局委員於發運時填給船戶收執到岸

隨鹽呈繳分局查報總局其沿江關卡照章點驗
不准夾私盜賣並示禁沿江居民不准接買查出
嚴行懲辦並將該保戶一同治罪 官運鹽務總
局詳定鄧關船運章程十條一井河運鹽由大板
主顧船運至鄧關交卸以四月至八月爲洪水月
分每載議船錢六十五串九月至三月爲枯水月
分每載議船錢九十串上腳由廠局給發每載酌
留水尾錢五串由鄧關補發巴鹽每載仍給槽船
耗鹽三百觔花鹽流膽走滷每包折耗不得過三
觔連皮應交二百二十三觔如有交鹽短秤均
惟槽船是問至板主承運不力藉口水枯岩延遲

誤由版局隨時稟請斥革另募所有船票引張除
由版局發交櫓船並先行移知岸局外鹽船抵關
後由船局按載點收清楚給發收回分別岸數月
填船票點引發交長船開運一鄧關船局司事除
原定之管理銀錢賬目雜務照常辦理外所有原
設秤手二名改爲驗船司事清書一名不敷辦公
原設之上竈一名改爲經書一名以便填寫船票
編聯輪次造具旬月報清冊每月原定火食新紅
紙張銀兩現經改定新章事務較繁不敷支用每
月酌添給銀十兩以資辦公一船局招募本關家
道殷實熟習船務五人承充會首除取具切實認

狀備案外所有認保長船額覓撥船招集可靠管
事押運皆責成會首如船戶有偷走情事惟會首
是問管事押鹽到岸交收後守取回票銷差至江
行失事遵照原章船戶就近稟報核奪其補配各
岸鹽勛無論槽船長船隨時隨船分別岸數酌派
多寡攜帶運往不得月開腳費一鄧關支發水腳
各岸補發水尾通以井九七平兌發由總局較準
砵碼頒發各局一體遵用所有各岸長船議定大
小水月分船價並到岸補給水尾銀數除通飭知
照外仍由鄧關船局分岸牌示俾眾咸知至耗鹽
除井河槽船每載仍給三百勛外各岸長船均照

章每載給予船號三百觔惟永綦兩岸皆有小河轉運折耗仍照舊規每載加給耗鹽三百觔他岸不得援以爲例一長船初次到局認定輪次不拘何岸船戶取具連環保結由會首出具認識保狀到局凡裝運鹽觔船局先將船戶名次逐一開單發交會首眼同押運委員驗船隻之堅固定提撥之多寡由長船自向槽船盤吊收鹽裝載後長船戶親同會首到局領銀以免挪移一長船運鹽每載實得耗鹽三百觔足敷虧折交收時如有短少責成船戶補繳不敷卽以水尾抵扣大凡岸局收鹽不論提倉發商准該船戶先將砵碼較準過秤

以免爭多論算船戶不得任意短交秤手亦不得刻薄過秤一長船抵岸如一時提撥不及停泊河干以二十日爲率過期卽應提倉至遲不得過一月不提倘一月不提准船戶赴總局呈訴聽候查辦雖鹽應提倉過秤亦須公平不得預爲出倉地步聽憑秤手高下其手刻薄多收有礙船運一富廠配運某岸某綱某批某載花鹽及黑白巴鹽均有一定不可淆亂鹽船到關提撥時局員及押運委員須親臨河干督同會首船戶查照廠局來文分別各岸綱批鹽色逐細檢點裝載運往倘有錯誤惟該局及押運委員是問一倉耗半勛係備存

倉折耗嗣後鹽船到岸如係發商對船提撥准將半勛提出存倉不得遽行變價如應提倉之鹽不准先將半勛提出即以原包一百六十五斤零半斤全數存倉俟出倉過秤時無耗始准提出有耗即以此半斤彌補倘半斤尙不敷補即以前提存倉耗鹽撥補必俟全綱鹽斤全行發商都無折耗始准將餘存耗鹽變價作爲本局公用至花鹽到岸無論折耗幾斤總應遵照定章即以原包發商岸局不得扣提耗鹽一長船在鄧關裝鹽除親領正價到岸收取尾數外所有鄧關提撥船價管事身工由會首領出妥顧發給以免貪裝重載不肯

提撥貪額溢船希圖省價甚至待水開運宕延時
日如當撥價過昂每包花鹽至一百九十文巴鹽
至一百二十文以外者仍照原章由船局查實給
發倘水竭斷流商號過壩官鹽不能聽其久積仍
由局員據實稟明查照舊章辦理 救護鹽船章
程四條一運鹽船隻如在灘失事船戶即當立刻
飛報附近局卡委員前往查勘轉報如船戶有敢
乘機偷盜鹽斤藏匿兩岸居民之家及鄰船艙內
而將失化鹽數以少報多或故意將船在灘撞壞
竊匿鹽斤誑報失化者一經查知或被告發定將
該船戶嚴拏追贓重辦卽偷盜商鹽亦一體究治

一鹽船一有失事附近之居民地主卽速飛報保甲該保甲卽派人將船看守以免乘閒竊鹽一面催令船戶速報委員查看如該保甲能報在船戶之先者照路遠近由委員稟明總局給賞倘保甲人等坐視不理以及任聽偷竊而不稟報者一律查究一鹽船在灘失事相近之渡船漁舟務卽幫同救護及飛報委員如能將官鹽救取不致失化者由委員查明救起鹽包多寡稟請總局酌量給賞一小河兩岸居民以及渡船客舟有敢通同舞弊將船戶所竊鹽斤代爲藏匿寄頓坐地分贓者一經查出或被入告發卽拏案照窩盜分贓例從

嚴治罪若明知係船戶偷竊官鹽而貪其價錢買食者亦照知情接買賊贓例懲究如有探知船戶盜竊官鹽並居民鄰船代爲藏匿分贓轉售在局卡委員處出首者卽由總局從重給賞決不食言

又飭沿江嚴禁賣私札官運鹽船行駛江河道風遇險在所不免其中有事出無心一時疎忽雖失化鹽斤本總局皆格外施恩免其賠繳乃船戶多貪詐不法有失事雖出無心而輒復乘閒作弊竊取官鹽固屬可恨更有一種船戶見其船隻已舊所值無幾故意在灘將船撞壞誑報失事藉此偷盜鹽斤其心尤爲可誅此等竊盜之鹽船戶不

敢公然出賣皆恃兩岸奸民及鄰近渡船客舟爲之窩藏轉賣鄉曲愚民貪其鹽價便宜私相接買船戶恃寄贓有人銷贓有所於是互相勾串作弊不止在途之官鹽卽商鹽皆受其害雖經本總局隨時查獲從嚴懲辦乃若輩貪利玩法技巧智熟竟自怙惡不悛實堪痛恨除本總局派人密訪查拏並通飭沿江各州縣外合行札飭爲此札仰該廳州縣縣丞卽便遵照出示曉諭沿江兩岸保甲人等嗣後如查有官運船戶偷盜官鹽賣者卽一體捉拏送案照監守自盜例懲辦具稟核奪如兩岸居民以及渡船客舟有敢通同舞弊將船戶偷

盜之鹽代爲窩藏寄頓坐地分肥者一經查知或
被告發亦卽提案照窩盜分贓例治罪如明知爲
盜竊官鹽貪其價賤買食者亦照知情接買賊贓
例懲究均無徇縱以維嚴政

光緒三年

於是首以富順自流井小河四百餘里起小仙灘訖
大梁子灘多湍急水涸益甚船至輒閣必募役負鹽
踰險行二十餘里般灘過坳而土豪復假作堰名私
斂以病商民乃檄官商會勘修治爲籌歲修而禁借
堰隸以邀利者又爲定官商船過先後以次勿有踰
越

官運鹽務局行鄧井關縣丞廠河自小溪以下至

鄧井關灘多湍急每交冬令水勢枯涸般灘過劫節節耽延鹽船往往二十餘日始能出關現今奏定開辦官運庫帑攸關必須預籌妥慎以利轉輸本道前已委員查明河道四百餘里相度水勢高下自小仙灘起至大梁子止應修堰閘處所高低尺寸粘單開仰井紳遵照認真迅速修理所需工料核實估計不得浮冒呈候酌核由官商兩運灘派至每年歲修雖屬無多亦當預籌並仰公議章程呈候核奪其向派堰釐永遠禁革官運鹽務局詳去冬案奉示諭不論官商只以到堰先後次序啟放當經張貼曉諭並飭駐灘接運委員遵辦

在案職道於本月初九日自富廠起程沿河查看至鄧井關水勢雖枯較之往年尙多數寸而各灘船隻擁塞鄧井關大梁子尤甚查問本年正月初八日頭批官運尙停泊大梁子內未經提撥出關伏查憲示只論先後不論官商原慮官運欺壓商人故示體恤然亦係指大梁子以上各堰開啟放而言至於大梁子提撥固未諭令定依先後次序乃奸商藉示暗肆阻撓每遇一堰加價短般故將官運壓閣在後以官運水腳議有一定船戶不肯賠墊短般也又或因宜沙口岸疲滯遂於上游所在遲留以待翔貴又或號夥有得力不得力顧得

船隻有早有遲前船未開後船便滯以致愈滯愈多大梁子以內停泊官商船隻五六百號現在銷路通暢各岸催鹽甚急若似此節節阻滯百數十里河道月餘不能出關誠恐黔民淡食有礙大局又查楚計兩岸商運計少楚多楚岸需鹽不若黔邊之急若不變通定案官商均屬有損擬請十冬臘正二三月六個月水枯月分大梁子以上各灘堰開啟放仍舊官先商後若商船本在前堰者勿庸停待以讓官運至於大梁子提撥圓載無論官商各聽其便毋庸定依船到先後輪次似此變通庶於官商均有益無損

光緒三年

又詳竊查川省大江

眉州以上尙屬平水嘉定以下節節皆灘每遇險阻之處客船經過必添顧本地熟悉水性之人幫同扯緯名曰拉灘或將重載提撥裝運名曰般灘土棍因之糾集灘夫多人盤踞灘頭勾結衙門差役把持刁難種種需索更有沿江痞匪一見船隻失事將覆即駕小船藉救生爲名蜂擁過船將財貨掠搶一閃而散遇有灘夫或因緯路險滑失腳或被緯繩彈打落水因而斃命該痞匪等冒稱地主唆使屍親恣意勒捐種種惡習大干法紀永甯所屬前任恩道曾經整頓擬定灘規通飭查禁川東所屬亦經前任姚道因控案屢屢委員查明擬

定灘規示諭嚴禁而各地方官奉行不力爲日未
久諸弊旋生職道履任後各幫首事船戶復紛紛
稟懇當經通飭查拏究辦誠恐上游一帶積久未
加整飭不免有前項情弊現值辦理官運各岸鹽
船回空裝載客貨亦往往因此耽延不能迅速接
運應請通飭沿江州縣一體嚴禁遇有痞棍把持
刁難一經船戶稟呈立予嚴拏究辦務期有害必
除以清江面而安行旅

光緒
四年

又以鄧井關內江至瀘州百數十里險灘十餘復爲
籌費遣員修淘初以水漲工艱僅疏富順屬棹子角
牛皮灘雙冠子瀘州屬大灘通灘然猶時利時壅水

涸仍往往壞舟六年復遣員勘出險灘十餘

功布灘
湖市灘

大流灘髮青竹角荔支灘通灘大灘
觀音灘崖清蓮花灘石口子龍骨扁於是七年二月

爲補修黃泥等十餘灘

黃泥灘周家碩棹子角公婆
灘瓦窰背荔支灘楊公馬路

廟基子露水巖鷓公
包通灘大溜大流灘今稍稍利運矣

官運鹽務局行健爲富順瀘州各州縣查內江自
鄧井關以下至瀘百餘里灘險甚多本年官運往
往失事前經委員查勘除小灘不計外尙有江水
洪枯最險之十五灘並查明所需經費無多急宜
趁此春水未發分段開鑿以收事半功倍之效除
委員一自鄧井關以上一自小市以上督率勘修
並仰該州縣即便遵照如該員開鑿該州縣險灘

應用差役地保鄉約仰即派撥聽候該員驅遣事

關運道務期共濟

光緒三年

邊岸最要者爲入黔之永仁綦涪四岸峽隘湍激多沮舟行鹽從大江水墮直下自轉江入岸河則溯流而上益艱險四年唐炯言於丁寶楨請爲之鑄漕口除亂石挑積沙修緯路因勢利導頗有中流阻闕如綦江羊蹄洞仁懷吳公崖之類鹽至又須舍舟而陸或數十里乃復舟運如前所謂般灘過坳者則鑿而通之俾一水徑達運省則鹽值自賤寶楨據以入告部議報可

丁寶楨片奏再據官運鹽務總局詳竊查川鹽入

黔向分四岸轉運一由納谿泝至永甯小河二百餘里爲永岸運黔要道一由合江泝至貴州茅台邨小河五百餘里爲仁岸運黔要道一由江津江口泝至貴州松坎小河六百餘里爲基岸運黔要道一由涪州泝至貴州龔灘小河八百餘里爲涪岸運黔要道此四小河發源慎黔分流川江皆窄峽崩崖激湍亂石節節有灘自去年開辦官運以來鹽船經過每至險處觸石卽漏必須提載加絳萬分艱難非議修淘難期暢利現據紳耆商民等稟自願捐資集款因勢利導酌加修治以利舟楫俾官商均可暢行鹽船無虞失事而沿河窮民更

四川鹽法三卷之二 水利
可以工代賑於邊地商民大有裨益俟此工告竣
如果經費有餘再妥議歲修河道及四岸陸行險
路以便行旅而期久遠該局現已委員分岸查勘
並傳詢商民眾議僉同惟茅台松坎等處均係貴
州地界現擬興工一律修淘慮黔中官吏未悉底
蘊應請先行奏咨等情前來臣查川省各岸運鹽
入黔河道多係灘高岸窄亂石縱橫久未修淘舟
行實形滯礙現據商人自願捐資修治以通運鹽
之路自應如議照辦以重鹽務而暢銷岸惟此次
工程係屬商捐商辦分釐不關公款自可勿庸造
報相應請

旨勅下部臣免其報銷仍由臣檄飭局委各員督率商

人一體認真辦理務使工歸實濟

光緒三年

於是遣官視工紳商畢赴輒發難民以工代賑永岸

由納谿溯永甯小河二百餘里自石關溪至鵝公疏

鑿者凡二十餘灘

石關溪亞關子樂道子碾子盤母豬背中不算鴨陰灘海蚌漕竹林

角江門石斂永新修者七灘

天池口礫磴子汗得緊艾口子紅白沙侯家灘

窳頭灣燕兒窩永甯新修者七灘

鐵鑪灘夾門坎壁佛崖虎跳子三闖藪大風路鵝公灘

仁岸則由合江湖仁懷茅台邨小河五百餘里自吳

公崖至茅台邨疏鑿者凡三十餘灘

吳公崖二郎灘大河三鴨嶺胡

廬腦雞心猿猴黃泥坭堰灘小甕大甕落味腦沿灘

魚錦花滾灘白魚口溪口火燒崖石水關水泥溝黃

連魚跳湖口水口陰福子沙牽長沙壩望鄉臺新龍灘

豹子馬崖心三鍋莊小銅鼓鯉魚陶洪上口馬黃溝

茅台 碁岸則由江津江口泝松坎小河六百餘里又

由松坎至新棧可六十里爲先疏鑿江口石梁數灘

頭梁二梁三梁上水槽口而碁江起界石洞羊蹠洞龍昌子至新

棧小河二百里中鹽船至此率般灘起店三次始至

松坎松坎以前輒改陸運至是爲開新棧河鹽船出

松坎可仍水運惟界石羊蹠雖鑿仍頗淤塞龍昌子

巨石中梗稱天險鹽至此仍般運以虛舟行石上人

力推挽僅乃得過訖不能鑿新棧一帶兩岸奔崖墜

石動塞漕口旋疏旋遏船運仍艱費與陸等工訖不

就涪岸則自涪州溯龔灘小河八百餘里自雞翅灘

至麗灘疏鑿者凡五十餘灘

雞翅灘白崖口鸚鵡三峽上下邊灘黑羊廟門

灘山尺子小角擲萬卷書堆磨船背廖氏溪牛矢灘
三眼洞羊角蹟雷劈石石鼎武隆灘靴補石二口灘
橫梁子官灘金剛青土關子慌張青鐵清口鹹山堆
新灘木枰灘豬兒堆帽梁子鉅梁子下崖老下崖高
谷長灘子下塘口狗跳崖豬牙子老虎口觀音梁韭
菜梁登洞磨寨谷魚子沿灘偏石面石板灘鹿角沱
福灘而涪州之羊角蹟彭水之鹿角子爲尤險鹽船
至則般灘游民藉以牟利者無數商費不貲至是稍
稍省矣四岸中灘險工鉅仁涪爲最仁岸治灘其崩
崖巨石鎚鑿所不濟者輒穴石實以火藥灌水銀泥
封留竅置藥線而火以裂之又爲闢壩數重束水而
後施工涪州因用其法工頗便利然仁岸猶費金二
萬有奇涪岸一萬有奇永綦兩岸殆不及半所費咸
出商捐攤入鹽引用是官不費而民無擾焉其外潼

川所屬各版運道率由陽桃溪至梓潼鎮四百餘里

中六十餘灘灘多淤而黠築土民復有意壅塞因以

要利六年爲檄有司凡射洪新甕房鏡蓬子白流寺

到子焦蓬溪洞孔角王家清周家浩黑石碑平望子

巴石石龍江然川浩張家清泥窩石馬碾廟

溪子清遂甯親家角上下營盤黃練沱孟家平孔家

石規浩嚴家灣柑子平古墳包丟底灘麻柳

灣狡猾灘廣羊平確窩石木碑灘黃盤石鴉頂嶺麻

柳林雞灘老池沱却弓溪荷葉溪鵝蛋石順水寺芋

荷灣三脚彈菜篷子沙蜂子毛菴子白女觀金馬

蹬獅子崖鑪鎖窰奚家槽紅崖子雷打石油榨磧

例淘修其工視四岸蓋十不逮一二焉而江安豬捲

子長甯大撥空灘子攪耳宜賓偏倉所屬亦一時

借舉工雖莫足數亦鹽運利也又由金沙江安邊入

小河紆折溯流五百餘里凡七十餘灘滇岸鹽運恒

必由之今方鳩工而未集事蓋蜀多石峽以東江流
小河亦然兩岸土石往往崩圯夏秋迅漲輒與泥沙
俱下疏導不常難以時計欲求不做莫如歲修之法
當時官運鹽務每一興作常用斷斷然集貲有常而
又能以時修舉則仍在良有司與商民之善與圖終
而已

四川鹽法志卷十六

引票一 續行

秦漢之鹽禁則募民自給費因官器鬻鹽官與牢盆
罷禁則縱民自鬻以稅縣官如故事而已無所謂引
也唐始行兩稅然如劉晏變法所謂一稅之後縱其
所之猶無引爾宋始有引有引稅至元而有賣引之
法引之愆寔失已明洪武中爲刊銅版犯私鹽者罪
至死僞造引者如之又鹽與引離卽以私論法綦密
已而重複影射諸弊亦卽隨之今引中所載各禁令
亦肇於明然民日手一律而身罹之而不止者何哉
夫惟

國家設引特以導鹽而昭符信重法守也有司不知其
意或且因緣爲利焉彼既有以取盈於引之外民亦
安能不思遁於引之中顧欲其知之而不由之也得
乎哉今引外有票票釐之票卽所以代引而濟引之
窮也故得與引並著於篇而他票亦附見焉志引票
頒行

自宋淳化三年令商人輸糧塞下授以要券謂之交
引移文江淮荆湖給以顆末鹽自是始有引之名及
蔡京變法又有長引短引其用皆頗與今異紹興二
年四川總領趙開初變引法置合同場收引稅

詳紀
遺

當是四川行引之始元太宗二年定引四百斤四川

歲煎鹽萬四百五十一引天歷間寢增至二萬八千

九百一十引

詳井竈總額

其法不詳大率仍循宋舊明景

泰四年令四川鹽課提舉司於每年三月以前具上中下三等鹽課司並商名引鹽數目以次扣課均派開報布按二司並巡鹽官定於三月初一日會同照引唱名給散以引目連各商通帖散帖封發各鹽課司收貯分派各井逐月支鹽隨時批訖退引給付各商限次年三月終送提舉司彙總轉達布按二司並巡鹽官比對相同照數完造歲報若遇急用邊糧開中務亦先年出榜次年三月唱名支鹽其法爲備嘉靖三十七年議從引定銀通計五十七州縣一所一

場共鹽八萬九千二百六十三引一斤

互詳徵榷

此歷朝

四川行引之大略也

明會典王圻續通考載明歲辦鹽數各省皆以引計惟四川及

陝西以斤計據此其行引一也

國初猶行明舊引順治二年鳳陽巡撫趙福星言鹽課

爲軍需所關今各商皆故明舊引其中不無混冒請

速給新引以裕國課此或爲淮浙言其時四川猶未

定也八年始題准四川鹽票四千九百四十紙每票

填鹽水運五十包陸運四包稅銀六分八釐一毫至

二十一年題准增票二千二百八十八是時鹽票率

由四川布政司照部引式刊票申送巡撫掛號卽授

鹽法道轉授各屬計票支鹽計鹽徵稅蓋猶行票而

末議引焉康熙六年戶部始以考成無稽議令四川
行大引引凡二萬三千斤三千或作二千時以大亂初定井
廠地少蜀民食僅給惟設小票授民交易四川巡撫
張得地議以有萬難行者二有不必行者一數多必
合眾商始行一引一難也地阻則負販非二三百人
就道不能舉一引二難也又井竈夷塞戶丁稀少一
引之鹽亦難卽煮三也以是覆奏而罷

張得地奏略奉部行查議川省大引一欸據夔州
府查得萬雲甯太有井四縣俱屬新經開淘所產
之鹽無幾卽今日所出鹽斤尙不足本地易食之
用卽有引亦無多鹽可填更無處可賣且各縣舊

制原無大引行鹽之規似難輕議舉行潼川州查得鹽引之設必地方全盛行鹽既多鹽課繁溢恐有私販縱橫

國課短少故非鹽引不足以督考成別殿最今蜀省戶口寥寥非期之百餘年之後斷無生聚驟蕃之理况鹽非盡爲賊填開淘原復不易祇此小票聽民自領自賣頗爲簡便若額定每州每縣行鹽若干派引幾許反致行鹽無民歲課有虧據健爲縣查得節年俱小販行鹽或借本或合本不過數百斤而已俱請領小票負運馱載取其就便本少利捷以省顧船顧夫之費是民之朝夕養命者恃有

小票且小票招商節年奉行之數尙已難銷茲欲
行大引恐大引未行而小票亦停所誤鹽稅民生
不小聞中縣查得鹽政關乎

國課務在通商便民因時制宜然後行之經久可以
無滯大引之例前因時勢難行遂議通便之法大
商每票五十包小販填鹽四包每包額定稅銀六
分八釐一毫不拘大商小販通行無滯裕

國通商法盡善也蜀省川北人民稀少食鹽無多且
產鹽之井又僅存昔之什一若復部頒大引必致
商民交困殊非長久之計彭水縣查得郁山鎮所
產之鹽原聽思南婺川黔江西陽各土司商販零

星易賣或一二十斤或三五十斤多則不過一百斤况係南北東西之人焉得久住井場以待合引貿易前奉頒鹽票河引一張載鹽五十包旱引一張載鹽四包商販始得稱便通行無滯若舉行部頒大引則郁山零星小販坐守經月難合一引必至病商損稅恐非良策忠州查得各省鹽引州縣俱載額數課則辦之商引則繳之官按其完欠以爲考成至於忠州雖有鹽井二處水旣不佳產亦無幾竈戶各照人丁歲納課銀從無納課之外又行大引之法若謂稽核考成則歲課完欠卽有司之殿最矣臣看得大引之設原蒙內部爲普天率

土裕

國通商剔弊而專考成之善策也但省分有凋殘繁庶之不同故大引有可行不可行之異今揆情度理大引有萬難行者二有不必行者一歷年商販本少利微所販鹽斤多則不過數百斤少僅數十斤耳今欲舉行大引舊例每張必盈二萬三千斤之數非窮年經月何能得多商湊集合一大引之數此必不能行者一也又川省產鹽地方遼闊零星俱係深山峻嶺卽濱江通水道者不過五六處其他盡陸行背負若必欲舉行大引則二萬三千斤之鹽非二三百人不能運動此必不能行者二

也再查川省之井盡爲寇逆填塞開鑿萬難此日
之竈民不過單夫隻婦卽盡力經營不但煎燒有
限且以所出者半供衣食半供納課較之他省屬
海煎池不及百萬中之毫末若舉行大引又安能
驟得二萬三千斤盈足之竈戶以給之乎此不必
行者三也歷年小票行鹽久經額有稅課一旦變
爲大引商竈畏難不前是本欲增稅而不免反至
虧稅也鹽政爲

國課重務引票爲鹽法紀綱但地方有荒熟故立法
有經權目前川中旣無昔時蕃盛竈戶亦無湊集
煙民是以因時變通填給水陸小票以便通其商

竈今若驟改大引不惟零星小販既無一引之資
卽寥寥竈戶又無一引之貨勢必商竈俱因而課
稅交虧至於稽核考成則遞年開淘井眼與行票
收稅按年俱有冊報而撥充兵餉亦年終皆有奏
銷是稽核考成又不必在大引之設與不設也

康熙

六年 經世文
編作十一年

謹按德地疏中大商票當卽順治八年題准之
件故包與稅數皆同然此所謂引票皆由布政
使造非必部頒多少可以取便且釋會典順治
年間四川布政使照部引式刊票云云是終順
治之世必皆行票四川頒行部引當以康熙二

十五年爲斷始故二十六年卽議增行鹽引

康熙二十五年

會典事例鹽法作二十五年後引目由單又云三十五年覆准鑄鹽引銅

版四川一塊今從二十五年以始令寶泉局鑄銅版四川二十六年初議行引也

印發

據會典

初頒引式猶頗簡略六十年始換鑄乾隆

六年十三年一再換鑄四川版皆一五十二年始題

准換鑄六十八四川版二六十年又一換鑄

據會典事例

先是五十八年戶部奏定新式長蘆鹽政穆騰阿復

奏請取行鹽各省鹽法更革并販私七條釐正增入

總督福康安又以舊載行鹽府廳州縣未備咨部補

載卽今式也

穆騰阿奏略查得商人行鹽引目前經戶部題定

式樣刊鑄銅版刷印頒發護運行銷惟查鹽法事宜歷經更改而鹽引所載尙係舊日條規應請

勅部將行鹽地方應增應刪以及販私七款逐一更

正請自乾隆五十九年爲始新定式樣刊鑄刷印

頒發護運

乾隆五十八年重造引式

福康安咨略查四川行

鹽地方現行引內四川止載成都重慶保甯順慶

敘州夔州雅州甯遠龍安嘉定潼川共十一府州

貴州止載貴陽安順平越都勻思南石阡大定威

甯八府州其四川之潼川州升爲府尙未改正又

有直隸松潘廳敘永廳石砫廳資州綿州茂州邛

州眉州瀘州達州忠州酉陽州十二廳州並續增

例食川鹽之貴州遵義府南籠府並施秉縣鎮遠
縣屬之西南北三隅偏橋司都素司省溪司提溪
司烏羅司平頭司兩府二縣六司雲南之昭通府
東川府鎮雄州三府州湖北宜昌府屬之鶴峯州
長樂縣施南府屬之恩施宣恩利川建始咸豐來
鳳入州縣均未增入引內但應銷地面繁多引內
恐難備載應否祇將行銷邊引之貴州遵義南籠
施秉鎮遠縣屬之西南北三隅雲南之昭通東川
鎮雄湖廣之鶴峯長樂恩施宣恩利川建始咸豐
來鳳一併刊入引內其餘行銷計引之四川直隸
松潘廳等十二廳州仍照舊例毋庸添載

乾隆五十八年

領引有期先是率以八九月咨部請領引至常遲雍正七年巡撫憲德始請於四月奏銷時隨領引還部議從之

憲德咨略舊領引目若照往例於八九月給咨送部請頒實有行銷不及之處請以每年隨奏銷時將次年鹽茶二引應解紙硃銀兩如數解部於奏銷差役回川之日將來年部引頒發到川照例編號於本年十月內行文各屬催領陸續給發至次年正月該地方官即可有引給商行銷如此則商人得以及時行引課稅易於辦理鹽茶無阻滯之

患似於裕課通商兩有裨益

雍正七年

總督以引授鹽道鹽道以授所屬廳州縣官乃以授商商持至厥配鹽運行曰採配其配小竈零鹽無使有溢額惟歸丁州縣招商未得則留引不發

憲德咨略據驛傳鹽茶道曹源邠詳稱川省地處邊隅鹽井竈戶住居零落其竈戶之中或能逐日煎燒湊成一引貨賣者亦或有不能湊成一引日煎日賣者商販執引赴井配鹽竈戶惟知見引賣鹽而此引已經零星買過鹽斤若干在竈戶茫然無知以致商人領引一張於趙甲處配二百斤再於錢乙處配三百斤又於孫丙處配四百斤如陸引一張只應配正耗鹽四百六十斤而已配至九百

斤究其每竈所賣之鹽分而計之尙不敷應配正耗之數合而執之夾帶私鹽四百餘斤迨至隘口盤出餘鹽稟官究治訊其竈戶則見引貨賣其中受奸商之愚弄委不知情者固有而通同賣私串供混賴亦難必其竟無再四思維查閱部引墨匡內外有空白之處嗣後商人領引赴廠零星買配者如向趙甲買配鹽二百斤卽令該竈戶於空處註明某日竈戶某人賣鹽若干斤陸引一張至四百六十斤而止水引五千七百五十斤而止如有多餘卽究後賣人之罪如此在商人旣不能多買而竈戶亦不能多賣部覆如議

雍正十

一年

謹按此或當時鹽少之故自後鹽常浮於引此不足慮矣

凡某商配某廠鹽行某地某地行引幾何皆有額詳表引商名必具於引毋有模糊

戶部咨略查得各處行銷鹽引

國課攸關未便任其破損模糊致滋弊竇但從前刷印頒發鹽引紙張未免澆薄致易破損茲於雍正二年刷印乙卯引張俱用堅厚毛頭相應通行各該管鹽督撫及鹽政嚴飭領引差役並行鹽各商嗣後引張務須謹慎收藏毋致稍有破損其各該管商人名字及行鹽字號務於引內填寫明白毋

致模糊如有違悞等情卽行斥革治罪可也

雍正十二年

年

徐澤醞奏略向來發給正引及引根引紙並

無某商行銷某處字樣以致奸猾之徒得租借引紙隨處影射攬越口岸不清實由於此擬請嗣後發給引張由道查明行銷口岸蓋用墨戳並將年月模糊之引填註明白發交地方官添註本商姓名詢明何時可以配銷完竣隨卽填註繳殘限期

轉給庶影射攬越之弊不禁自除

道光三十年

計商運行四川十二府六直隸廳八直隸州百三十餘州縣及湖北八州縣者日計引邊商運行貴州十三府三廳一直隸州雲南二府一州及四川近邊之

酉陽石砭明正木坪瓦寺金川河口雜谷九姓司等
土司並黃螂雷波者曰邊引此據會典今酉陽石砭
等改土歸流皆一律行
引計歲行額引曰正引外請部頒五千道存總督署以
備請增曰餘引其爲部引則一也

憲德奏略行鹽以部引爲憑自應請領行運但各
府州縣衛請領多寡不一如必逐案差人赴部請
領無論奔馳往返且與民生日用鮮克有濟請於
本年額引之外預頒鹽引五千張改貯巡撫衙門
俟有請增州縣一面題報一面卽將部引給發其
紙硃銀兩請於鹽茶充公項內墊解於請引州縣
徵解還項部覆如議

雍正十
一年

其行引引鹽不離所過必有稽察曰批驗又曰挂驗

又曰般驗

詳轉運部

般驗字案牘皆作搬或作盤宋有轉般法與此同義通鑑長編作般他

皆作

其引或由場員

見雍正十二年黃廷桂等條奏

或由沿途州縣

如雲南引由宜賓縣截角之類

或由銷岸有司截引一角有遞截至

四角者曰截角鹽至銷岸或中途尅期繳官曰繳殘

惟本省至岸湖北雲南貴州引不必至岸始繳

其弊則一引而既行焉又行

焉曰重照行於此焉又行於彼焉曰影射於是鹽茶

道官運鹽務各於歲奏銷時隨冊繳戶部戶部爲驗

其數符而後毀之

黃廷桂奏略查水陸引目奉部頒發原有字號而

收買發賣原有截角之例以杜影射惟是好商領

引入手行引州縣既未將商人所領之引移明產鹽州縣商人到井買鹽亦不將引目呈明地方官驗截任其於各井竈收買鹽斤或引外夾帶或買賄巡役承領一引往回馱運不可底止應將部頒引號於鹽道衙門發引之日卽將各州縣廳衛引內部號造冊發給場官其商人領引買鹽之日亦令各該州縣將引內號數及該商領引起程日期移明場員由場員按冊查對俟商人至場配鹽足數卽將所領引張截去一角俾商運往仍將商人至場起程日期移覆各該州縣查察免中途逗留長裝短卸等弊戶部議如所請

雍正十
二年

外有引根引紙始雍正八年巡撫憲德慮黔滇邊商
險遠部引多失截引換照又滋流弊則請照河東總
督田文鏡條奏田房稅契根契紙例存引白截由鹽
道印發雙聯引根引紙中空處濶書部引字號運鹽
實數剖而爲二半附引紙付商代引備驗半留引根
同邊引繳部十二年總督黃廷桂及憲德奏設官埠
議罷引根引紙事下戶部議駁不果乾隆九年巡撫

紀山復奏請增定滇黔食鹽州縣

見貴州
邊岸

嘉慶二十

四年湖北八州縣計岸以繳引不於銷岸而於夔州
相諉誣總督蔣攸銛從鹽茶道奇成額議亦於夔州
通判繳引換票根票紙如黔滇引根引紙例

蔣谷見
湖北計

憲德奏略川省行鹽有例行黔省之貴陽安順平越都勻思南石阡大定威甯並改隸黔省之遵義滇省之鎮雄烏蒙等十一府州縣及川省之酉陽石碛明正木坪瓦寺金川阿日雜谷九姓司等土司並新改設立黃螂雷波等處發賣者從前引目並未帶往各省及土司等處地方因途遙路險商人不能前進皆係沿邊州縣截角掛驗聽彼處商人轉運該地方截角州縣換給照票以爲前途盤驗之據但地方官截引換照或有不肖有司營私舞弊恐滋私販今於此案俟各屬造報戶口至日

巢造川省應食鹽斤確數再將應行黔滇及各土
司鹽斤核定水陸引張確數刊設雙聯引根引紙
鈐蓋鹽道印信分發沿邊州縣俟商人運鹽到日
該州縣照部引字號張數填註引根引紙於中縫
大書運鹽斤數以引紙截給鹽商以備前途盤驗
照例截角放行其引根由該州縣同已截角部引
申齋鹽道查核繳銷以杜影射並填多報少之弊

部議從之

雍正八年

謹按引根引紙會典事例作乾隆四十一年議

准事例四川鹽引行銷貴州省之貴陽安順平

越都勻思南石阡大定遵義雲南省之昭通

等府州縣四川之酉陽石碛明正木坪瓦寺金
川阿日雜谷九姓司等各土司並黃蠟雷波等

處該沿邊州縣於商運到日將部引截角掛驗
另用鹽道印領雙聯引根引紙照部引字號張
數逐一填註於引根引紙中縫大書運鹽斤數
將引紙給商轉運將引根同已經截角部引申
送鹽道查覈繳部所給引紙由
前途照例截驗放行免其繳銷今既於雍正八
年已經議准並十二年黃廷桂等請罷亦不果
豈中間復議罷耶抑廢弛不行至乾隆中重申
舊令耶然自光緒三年舉行官運凡黔滇湖北
引由局配運鹽到岸卽由各岸局彙繳總局換
護票發商隨鹽備驗引根至是亦罷矣

引式

字 號

鹽器

此處原引模銅不能辨識從闕

定鹽斤

給付客商

一 四川省

引行鹽肆包每包重

給半印引目每包納完引價

一 凡客商與販鹽貨不許鹽引相離

如賣鹽畢十日內不繳退引者笞四十

鹽貨同私鹽論罪偽造鹽引者處斬

一 行鹽地方

四川成都府 重慶府 保甯府 順慶府 敘州府

夔州府 雅州府 甯遠府 龍安府 嘉定府

潼川府 綏定府

貴州貴陽府 安順府 興義府 都勻府 思南府

石阡府 大定府 遵義府

湖北施南府 宜昌府屬鶴峯長樂二州縣

右引付客商 收執照鹽准此



年 月 日

部 押

四川鹽茶道爲頒給引根以便行鹽違運事照得川省鹽法事宜前

於欽奉

上諭

事案內奉

總督川陝部院

奏准

戶部議覆奉

旨依

議欽遵奉行在案內有川省引鹽例應行銷滇黔兩省各府州縣及

川省各土司並新設地方請照田房契根契紙之例刊刻雙聯引根

引紙鈐蓋鹽道印信分發沿邊州縣照部引字號張數並註明中樞

大書運鹽助數俟商人引鹽到日將引紙蓋給鹽商以備前途盤驗

照例截角放行其引根由該州縣同已截部引申發鹽道查核繳銷

以杜影射並項多截少之弊 奉准

部覆准行併令不時查察如有營私舞弊以致與販私鹽者卽行指

名題參等因嗣經清釐鹽務時查出得富兩商行黔口岸並未指定

某商行某府州縣往往彼此援越爭控不休

總督部堂徐 委員帶同健黨商人前赴黔省將各商行鹽口岸逐

一清釐分疆畫界以杜爭執詳蒙

奏明奉准

部覆准行等因通飭遵照在案合行另刊引根引紙指定各商行鹽

口岸給發換載備驗爲此仰沿邊州縣俟商人引鹽到日將引根部

引截回引紙給商收執運鹽前去照指定口岸發賣施行須將引紙著

一川省產鹽之隸爲駐鹽水引張行銷黔省之安順府普定縣鎮

甯州永甯州清鎮縣安平縣卽俗屬大定府平遠州黔西州威

甯州永甯州清鎮縣安平縣卽俗屬大定府平遠州黔西州威

甯州永甯州清鎮縣安平縣卽俗屬大定府平遠州黔西州威

甯州永甯州清鎮縣安平縣卽俗屬大定府平遠州黔西州威

甯州永甯州清鎮縣安平縣卽俗屬大定府平遠州黔西州威

甯州永甯州清鎮縣安平縣卽俗屬大定府平遠州黔西州威

甯州永甯州清鎮縣安平縣卽俗屬大定府平遠州黔西州威

甯州永甯州清鎮縣安平縣卽俗屬大定府平遠州黔西州威

引

根

鹽茶道押

甯州畢節縣興義府興義縣普安縣安南縣貞豐州普安廳思
南府安化縣黔江縣印江縣石阡府龍泉縣鎮遠府鎮遠縣施
秉縣天柱縣黃平州銅仁府銅仁縣松桃廳思州府玉屏縣青
谿縣由川省之永甯縣彭水縣涪州等處轉運截給引紙其永
遠認代之潼引一千二百三十五張由涪州提運至興源轉運
思南石阡鎮遠銅仁思州等府屬銷售又由夔川之王家沱轉
運夔川縣銷售又水引行銷九姓土司由納縣轉運截給引
紙又陸引行銷滇省之昭通府鎮雄州東川府由川省之宜賓
屏山高縣珠縣興文筠連長甯等處轉運截給引紙
一 川省產鹽之富順縣榮縣鹽水引張行銷黔省之貴陽府貴筑
縣龍里縣貴定縣修文縣開州定番州廣順州遵義府遵義縣
桐梓縣綏陽縣正安州仁懷縣仁懷廳都勻府都勻縣麻哈州
獨山州清平廳荔波縣平越州湄潭縣鹽安縣餘慶縣由川省
之綦江合江涪州等處轉運截給引紙其富順縣永遠認代之
潼引一千二百八十五張由涪州白馬鎮陸運正安水車等處
銷售又由彭水縣江口陸運濯水關直達平越都勻等府州屬
銷售

一 川省產鹽行銷黔省之樂至縣水引十張由涪州彭水等州縣
截給引紙內江縣水引七張由納縣截給引紙轉運黔省銷售

年

月

日

右引紙仙行

沿邊

截給引紙准此

部字

虎川言長重鹽

功毛鹽

功

四川鹽茶道爲頒給引紙以便行鹽運運事照得川省鹽法事宜前

於欽奉

上諭事案內奉

總督川欽部院

會 題准

戶部議覆奉

旨依議欽遵奉行在案內有川省引鹽例應行銷漢黔兩省各府州縣及

川省各土司並新設地方請照田房契根契紙之例刊刻雙聯引根

引紙鈐蓋鹽道印信分發沿邊州縣照部引字號張數並註明中結

大書運鹽劑數俟商人引鹽到日將引紙截給鹽商以備前途盤驗

照例截角於行其引根由該州縣同已截部引申實鹽道查核繳銷

以杜影射並填多截少之弊 奉准

部覆准行併令不時查察如有營私舞弊以致興販私鹽者卽行指

名題參等因嗣經清釐鹽務時查出儲富兩商行黔口岸並未指定

某商行某府州縣往往彼此操越爭控不休經

總督部堂徐 委員帶同儲富商人前赴黔省將各商行鹽口岸逐

奏明奉准

一清釐分贖邊界以杜爭執詳蒙

部覆准行等因通飭遵照在案合行另刊引根引紙指定各商行鹽

口岸給發換截備驗爲此仰沿邊州縣俟商人引鹽到日將引根部

引截回引紙給商收執運鹽前去照指定口岸發賣處行須至引紙者

一川省產鹽之隸爲歸鹽水引張行銷黔省之安順府普定縣鎮

甯州永甯州清鎮縣安平縣卽爲慶大定府平遠州黔西州威

甯州畢節縣興義府興義縣普安縣安南縣貞豐州普安廳思

紙

鹽茶通押

南府安化興發川縣印江縣石阡府魏泉縣鎮遠府鎮遠縣施秉縣天柱縣黃平州銅仁府銅仁縣松桃廳思州府玉屏縣青谿縣由川省之永甯縣彭水縣涪州等處轉運裁給引紙其永遠認代之潼引一千二百三十七張由涪州挽運至鎮遠轉運思南石阡鎮遠銅仁思州等府屬銷售又由夔川之王家沱轉運夔川縣銷售又水引行銷九姓土司由納谿縣轉運裁給引紙又陸引行銷漢省之昭通府鎮雄州東川府由川省之宜賓屏山高縣珙縣興文筠連長甯等處轉運裁給引紙
川省產鹽之富順縣安縣鹽水引張行銷黔省之貴陽府貴筑縣龍里縣黃定縣修文縣開州定番州廣順州遵義府遵義縣桐梓縣綏陽縣正安州仁懷縣仁懷廳都勻府都勻縣麻哈州獨山州清平縣荔波縣平越州湄潭縣安縣餘慶縣由川省之茶江台江涪州等處轉運裁給引紙其富順縣永遠認代之潼引一千二百八十五張由涪州白馬鎮陸運正安水車等處銷售又由彭水縣江口陸運濯水關直達平越都勻等府州屬銷售

一 川省產鹽行銷黔省之樂至縣水引十張由涪州彭水等州縣裁給引紙內江縣水引七張由納谿縣裁給引紙轉運黔省銷售
右引紙仰行 沿邊 裁給引紙准此

年 月

日